

高安縣志

高安縣志卷之四

山川志 山井岡水嶺橋石渡峯陂塘江湖溪池

坤厚載物山峙水流千峯翠聳萬頃波浮鍾靈毓秀磅
礪四週往來利涉王政先籌溝洫蓄瀦利賴田疇寶興
貨殖大美兼收 志山川

山

碧落山 在府署後唐武德時應智瑛作守有鳳凰集焉亦
名鳳山上有碧落堂文文山先生祠蘇子由有詩

小洞山 在府學右有清規寺蘇子由與毛國鎮 通志作知軍毛維瞻

探菊有句云菊花金粟未曾吐桂酒鶯兒空自黃景泰初
知府夏泉建清風亭今改洞山福地 寺亭見後

高安縣志 卷之四 山川 一

大愚山 在朝陽門外山麓有真如寺本大愚禪師所居宋

呂祖儉上書忤韓侂胄安置筠州寓此因號大愚叟今墓
在焉鉢盂山在大愚山對面 寺墓軒見後

逍遙山 在城西鍾秀門外唐元和十年徙元陽觀于其上
今為妙真宮山左有仙人李八百葫蘆井及煉丹臺

龍化山 在南城西門外舊傳東晉時有龍乘雲化去故名
瀚山 山下有塘百餘畝單姓因以名山

白鶴山 治西北七十里世傳東晉時仙姑丁秀英白日乘
鶴飛昇舊有白鶴觀

高胡山 治西北七十里仙壇見陳夫乞傳

白雲山 一名浮樓山治西北七十里下有超果寺東西有

澗有瀑布泉柳州教授孫伯溫有記謂之小麻姑

華林山 治西北八十里半屬奉新境元秀真人于此築醮壇隋大業末應智頊遣義軍羅武于壇側立將軍廟後遂號爲羅武廟其山絕險元至正間李晉成王普敬正德間陳福一羅長一皆據此巢穴爲寇

按通志元秀真人作西王母第九子築壇下有以祭靈仙四字

謝山 按方輿記在治西北八十里上有奇峯怪石相傳謝仙君仲初煉丹之地丹竈履跡儼然尙存

以易山 在治西北五十里有奇石成以易二字倒插凌霄居其地者多以易發科甲上有果老床上天石紅梅崖夜合石瀑布泉大黃荆樹諸勝

高安縣志

卷之四

山川

二

南山 治西北四十里常有祥雲繚繞山下居人何姓因以名村

鳳嶺山 在治西六十里按方輿記刺史應智頊嘗屯兵其上嶺勢峻拔遠望如鳳

舊志作治西七十里

飛霞山 治西七十里豫章吳真人猛修煉之地每齋醮常有鶴數百棲息旬日乃去復有彩霞覆之

西龍山 治西四十五里蜿蜒起伏如龍又其龍發自西北故曰西龍高數百仞其形如雞籠亦名雞籠山上有石牆仙壇下有古洞天將雨則雲霧興焉遇旱祈雨輒應

按鄜志西龍山在治西四十五里雞籠山在治西南六

十里一在水北一在水南自是兩山府志自高數百仞
及上有石牆以下鄜志俱雞籠山注腳舊志因府志謂
西龍山形似雞籠亦名雞籠山者誤

坡山 治西四十五里因東坡遊此故名山有古柏一株二
幹常以幹之榮枯卜朱氏伯仲二支之興衰

筆架山 在坡山良溪之前東有西流腰帶水

誥軸山 在良溪之後

蓮花山 治西四十二里因其峯巒攢簇如蓮花也

梅墩山 治西四十里下有靈寶觀卽梅子眞煉丹之所

社山 治西四十里南有樟樹枝葉鬱茂多奇鳥棲止居人
異之立爲社壇歲時祈禱

高安縣志

卷之四

山川

三

米山 治北三十五里四面流泉土田膏沃生禾香茂爲米
精美故名

招山 治東五十五里

按招山在白仙嶺之麓亦在治東北

白蓮花山 治東四十二都三山相連望之如蓮花聳翠後
界大路陳肅齋業有墓廬存

福相山 舊名敗伏山治南百里方輿記陳武帝與賊戰於
此敗其伏兵故名上有仰山廟在十五都菽塘陳

平分山 在十五都大成西上高界

白石山 在十五都上高界

折棠山 治西南七十里

三建山 治西南七十里

青山 治西南六十里清江界

雞籠山 治西南六十里一名鳳凰山高數百仞其上多異草遊者攀緣而上西有石壁循其下望之如鳳凰天馬壁下有古壇壇下有洞天將雨雲霧出焉歲旱禱雨輒應

按鄜志此與西龍山南北里數不同舊志誤合爲一今據鄜志正之說見前

遼山 治西南四十里山下有宋齊邱故居宋景定間邑人姚勉胡仲雲劉元高曾遊此有藍陂蔭田無算下有石水橋上有鶯池橋山巔有唐末楊權二將軍廟時二將軍奉詔索劉侍郎偵其賢且爲仇者所劾不忍索遂登山觸石

高安縣志

卷之四

山川

四

而死鄉人義之立廟祀焉明敖銑劉文光鄒元標前後詠遊有記刻石

羊山 一名石灰嶺治西南四十里宋山川記山產燃石以水沃之卽燃措鼎可烹邑人吳夢陽有氣蒸不待薪水活可烹鼎之句

按府志又列石灰嶺條注曰卽前羊山最高處

牛眠山 距城六十里在三十都坡山朱佳才封塚存焉

龍華山 治南三十里上有寺茂林修竹幽雅宜人銅陽劉

公址遊此有詩

見菽文

龍鬚山 治南二十里橫港西南

鈞山 治南三十里有宋劉煥故宅北有劉恕讀書堂遺址

巔有劉仙翁洞山多奇石古松

畚山 治南四十里俗名靜水嶺由鈞山橫亘而來至此陡峙三峯奇秀盤互岡巒參錯有乳城岡仙溪鳳棲山雙鹿堆諸勝

荷山 治南二十五里池有紅蓮故名仙人王子喬駕白象來遊象化爲石名曰象石今山巔有丁王二仙壇壇下有棲霞觀黃金城亦名小浮邱明邑人陳邦瞻有荷花山放歌廖暹有荷山賦俱詳菑文旁有團軍岡

馬鞍山 治東二十五里俗呼爲馬鞍嶺

蓮山 治東南七里

龍岡 在府城東一里梁大清間爲龍岡寺唐卽其地建靖

高安縣志

卷之四

山川

五

州今爲禪寂院

按府城舊在進龍池東一里卽拱辰門內也今院爲李王廟當云縣治北舊志云治東北誤

五龍岡 在府治西本鳳凰山之右翼下有潭深數仞上有廟先祀漢潁陰侯灌嬰後祀唐刺史應智瑱今爲城隍廟青石岡 治西北四十里暴雨後有石錢石磨等物如指大者甚多

退田岡 治西北二十里相傳兄弟有訟田者至此而悔故名今訛爲菜田岡

雲岡 治西二十里左有藍塘前有掛榜山

白竹岡

在治東北二十里

舊志因府志誤作在四十二都

或謂其地多產

白竹故以爲名

按竹龍宮府縣舊志俱云地名白竹岡府志云相傳有竹化爲龍而去卽黃仁覽遊憩處縣志云卽黃仁覽騎竹化龍處文雖出入而竹龍觀之與白竹岡同在一處甚明今竹龍宮在四十一都

郭城岡 在畚山東有穩泉仙溪鹿角灣諸勝蹟上有郭城古祠國初有偏師入粵駐師于此神爲畫攻取勢師有功遣飛騎具金花祀之今存祠中

長樂岡 在治東南十五里

石鼓嶺 在治西與府學對峙下有潭上有石鼓卧牛石石上有仙跡說者謂其嶺高曠弗峭文士多晦知府鄺璠伐

高安縣志

卷之四

山川

六

石壘塔其上卓然如筆名曰筆峯今廢明邑人胡鎮有記主嶺 近華林山有南北嶺三寶嶺皆山勢危峻正德七年官兵分屯于此以討華林古諺云若要華林敗三寶去立寨少南曰南山

眞武嶺 在張坊鎮旁有龜蛇山

余博嶺 治西北近丁坊

李家嶺 治西六十里下有石洞寬廠如堂屋

龍珠嶺 在治西北五十里去以易山里許自華林迤邐而來至此折爲三幹起伏奔騰蜿蜒如龍下爲吳氏住基基前有潭潭中石圓如珠石上有楸樹四時菁蔥不改是爲龍珠潭

辰嶺 在治西北五十里挺峙龍山水口相傳有鳳鳴此處
鹿田嶺 治北三十三都有紫陽書院朱瑗建

仙姑嶺 治西北四十五里一峯尖聳峭立羣山之上至路口分兩支山勢踴躍迤邐而南蘇溪斜溪二水界入蜀江
青石岡台峯坡山社山雲岡敖香嶺皆其山之正脈

尖峯嶺 治西北四十里上有峭石形如刀鋒有隱士黃堂遺蹟

十廟嶺 在社山北里許上有大王廟

米嶺 治北三十里唐武德七年因產香米奏改州名爲米州

按米嶺重巒疊障巨石層聳上有大床洞洞內有石如高安縣志 山川 七

床相傳爲果老床又有一石平廣如地可晒穀二十石因名爲晒穀石其巍峩之勢足稱筠北巨鎮

小米嶺 在米嶺之西

淨因嶺 治北三十五里

望石嶺 治北三十五里

虬嶺 治東北四十里上有虬王廟及雲端書院赤土陳氏建

按通志虬嶺奉新東南二十里半屬高安上有漢劉繇廟

界埔 在虬嶺東樟樹壟向因清丈高奉爭界康熙八年知縣張文旦奉藩司陳批立界石東至黃相石橋大路西至

高安鳳凰嘴墳山南至小港北至高安園公嘴山并莊基
爲界

蕭嶺 俗呼爲小嶺治東三十五里與虬嶺相近昔人有虬
嶺三獅小嶺九鳳之鈐記云

白仙嶺 治東北招山邑人陳儒建我白山房于後巡撫有
正直方岳牌

遶城嶺 在大蟹舖四十二都官庄水口

京岡嶺 治東三十里山下有宋敕葬楊繼祖墓上有白蓮
寺因碍昴溪鄔墳控毀

磨子嶺 治東三十五里艤口上

百蓋嶺 治東四十里新建界

高安縣志 卷之四 山川 八

楊嶺 在十五都笏溪

黃牛嶺 在十五都新喻界

陰岡嶺 治西南八十里舊志作七十里有墟市設巡檢司今裁

多寶嶺 治西南六十五里

袍嶺 治南六十里在十六都

高嶺 治南六十里在十六都相連五峯

虎跡嶺 治西南五十里劉屯田故居之南晉晏仙騎虎飛昇之地石上有虎跡

曦嶺 治西南三十里府學門對之峯峭如畫

神前嶺 治西南三十五里

象到嶺 在荷山之旁舊傳王子喬駕象所經故名

楓嶺 治南二十五里

玉屏嶺 在十一都峭壁倚天奇峯獨出若屏風然

琴嶺 治南二十里上有仙井大旱不涸俗傳丁王二仙藏
琴于此爲珠湖龍祖

望珠嶺 治南二十里俗傳丁王二仙遺珠于湖登嶺望之
因名

清潭嶺 治東南三十里

米篩嶺 治東南二十里二三都界山自荷峯迤邐而來延
袤至七星堆突起員峯聳拔羣山每遇秋深薄暮常有火
光隱見如遊龍爛熳山麓上有蕭仙壇壝每年八月初一
遠近朝供旁建佛殿東西兩寮梵音不絕亦叢林中一大
宗派也

高安縣志

卷之四

山川

九

鄒公嶺

馬嶺 俱在六都與荷山對峙

天池嶺 在六都稠塘

秀峯嶺 治南五十里八都上有小庵

九子嶺 治南五十里八都上有小庵

仙人嶺 治南六十里七都上有小庵

祖師嶺 治東南三十五里上有雷祖廟

呀口石 近華林山正德間劇盜陳樞一自詭其神殺人祀
之因以駭衆

火石 在丁坊明輝橋側其色紫丁綱知韶州任滿州人以
火石鑿網載歸覆以亭世祀焉其亭基前至港後至山

珠石 治西北六十里山形如龍傳是龍所戲珠也

仙蹟石 在調露鄉西溪水口傳果老煮石度人迄今釜竈宛然

船石 在三十都西溪童氏雲飛閣外新吳原任餘干訓導劉希向有風搖竹樹帆常靜水逐菰蒲纜欲流之句

插天石 在李家嶺石筍高七八丈

石筍 在二十八都石神灘坡社二山水口近漸長高土人以爲神祀之

鈎刀石 地名鈎刀有金甲神廟甚靈顯民多祈禱焉

慈雲峯 治西北六十里張無盡遊此有詩通志作張商英

台峯 治西北三十里斜溪之西三峯如台星故名

高安縣志 卷之四 山川 十

洪石峯 在治西八十里

雷嶺峯 在十五都大成

員嶠峯 治南八十里嶺南卽清江界

碧雲峯 治西南八十里上有雷祖殿其側有祈夢館遠近至者無不響應

白雲峯 治西南三十里

神峯 治南四十里週迴均邃有奇峯秀出雲表

仙女峯 在一四都界有廟祀王蕭謝三聖母

春洞 在碧落山每遇立春洞中陽氣蒸外人以雞鶩羽投中試之氣至輒軒舞而出

迷仙洞 卽碧落洞又名李八百洞宋紹興壬申太守羅薦

可易名蘇轍遊八百洞詩有洞門藤蔓鎖烟霞之句

五雷出洞 治西北六十里三十都陽坊羅地

米洞 在米山舊傳唐武德間出米足供僧食僧多亦多僧少亦少云是石牛精從瑞豐倉來也李英迹而斬之米遂絕

孟和洞 在十五都陳秋蟬于此得仙

白沙洞 治西南六十里其洞不止一處西南連章武山皆有洞

章武洞 東北與白沙洞相連

遼山洞 在僚山洞中寬敞可容百十人有竅穴透光若牖戶然宋郡人姚勉胡仲雲曾遊此

高安縣志

卷之四

山川

十一

洪石洞 治西南四十里

劉仙翁洞 仙翁廬陵人來遊蜀水逐鹿入洞遇仙

川

錦江 源出袁州府萬載縣龍河渡流至上高凌江合新昌滕江歷郡城而東滙于南昌之象牙潭而入章江世傳許遜爲蜀旌陽令有奇術晉末人皆疫癘多請遜請救遜器水投于上流疾者飲之無不愈邑人以所授器水卽蜀濯錦江之水故名蜀江亦曰錦水

按水經注本作濁水後人去水作蜀蜀有錦江故并襲之

此從明一統志較舊志詳

下湖 在南石橋之西

蔣家湖 在水南稅課司之下

陳家湖 在城東南市河經其中

白練湖 在縣治後

南道堂湖

藥湖 治西二十五里相傳呂洞賓遺丹于此故湖蛙不鳴

李攀龍有詩云丹藥異人遺湖天蛙聲廢

鮎魚洲 治東二十五里當錦江水口之衝中流突起竹木

縈迴春夏水溢洲隨水長秋冬四周白沙如雪上有樓閣可供遊眺高安一勝境也

菱湖 在易俗鄉以湖饒菱荷故名

高安縣志

卷之四

山川

十二

小湖 及上中下三湖皆在信義鄉

平湖 治南十五里有四景東林寺鐘西隴牧笛鷺橋飛跨
鷺峯聳漢

珠湖 治南二十里丁王二仙遺珠于此故名環湖居者爲
傅氏也世多文學之士見古志

清湖 在治東十五里其水四時清瑩隱士朱孔彰居此巡
撫韓雍訪之至其地御史楊潤爲撰記

銅湖 在二都注田數千頃有銅湖大王廟

市溪 一名市河蜀江水自靖安門流入城中派經三讓橋
世濟橋迤邐而東出朝陽門復會入江古讖云錦水入市
河朱紫滿城多錦水市河通筠州出三公錦水市河連筠

州出狀元宋寶祐癸丑惠政橋成有市河連之象是年姚
勉及第歲久湮塞正德八年知府鄺璠推官汪濬重加濬
治可通小舟上下當城處建三石閘以時蓄洩灌溉菜蔬
且防火災民深賴焉至嘉靖乙未吳山及第官至少保古
識之驗兩見矣歲久湮塞

國朝康熙九年知縣張文旦僦工去壅以復故道至康熙丁
卯徐日暉發解聯捷官至宮詹陳守創中式第六甲戌進
士官至少司農癸酉朱軾發解聯捷官至文華殿大學士
元魁三公之識又歷驗如此今乾隆九年又復開濬元魁
三公之盛將有望于斯云

清溪 源出仙姑嶺溪匯衆流方圓六畝夏月蓮盛因名蓮
港其水長清又謂之清水墻

高安縣志

卷之四

山川

十三

碧溪 自幸龍王廟前流經通眞橋至府學前入蜀江
蘇溪 在豐安鄉新昌天德鄉之水匯焉經坡山瑞仙橋至
嚴上港口入蜀江

按蘇溪坡山皆以蘇長公得名舊志作私溪誤

斜溪 自蕭坊發源經斜橋樟樹橋會梅口入江
務農溪 治東三十里其水自新建界流入于蜀江

按務農溪有二一自虬嶺奉新界南流至畢母橋下入
江一自招山新建界西流至麻溪橋下入江

中洲 在後坊下流四面迴瀾宛在中央

梁家溪 在水南東二十里上接□溪下至完溪墻環溪而

居者梁氏也故名梁家溪又名錦溪

磨劍池

在李八百洞旁宋蘇轍有詩羅薦可亦有詩

載菽文

相傳仙人李八百淬劍于此中產白蓮宋黃庭堅賦製劍池之菡萏以爲裳是也

李八百丹井 在府署後圃李八百煉丹之所宋蘇子由有詩

附

米山潭 在米山西潭極深險舊傳有巨牛赤尾陰晦輒出傷禾稼人畜應使君除之塞其潭蘇穎濱詩人言西有蛟蜃穴閏年每與風雷俱

龍潭 在燒符地爲三十七都之大水口滿潭皆石石具五色中有深潭蛟螭窟宅傳有法師持符直抵龍宮頃刻潭

高安縣志

卷之四

山川

十四

水沸騰雷雨驟至詰旦人從崆峒橋來言其符焦黑如火焚燒因名其地爲燒符至今歲旱擊其泉則雨立至武定遠有記

見菽文

進龍池 在縣學右南入蜀江舊爲學池棄以畀民明正德十年知府鄺璠復取隸本學

陳章有詩

鳳池 在新市巷西北宋知州盧壯文嘗于池上作澄碧亭放生池 宋守陶夢訓移于水南知州陳訾築亭其上曰鳶飛魚躍之所

明熊茂松有詩

紅菱池 在鍾秀門外故學產也爲民所侵明正德八年知府鄺璠因重修府學稽舊籍復之

學池 在南城下湖之北府學租田捲蔭

飲馬池 在浮雲山之南一里許甘泉清冽應使君義兵屯于此

洗硯池 在槐東書院內

幸龍王潭 在龍王廟下深不可測謁者每以詩及楮幣投之遇旱禱雨輒應

狀元泉井 卽舊貢院井在縣學戟門左井上有亭歐陽世善匾曰天一重清天啟丁卯教諭劉國祥有賦載郡志今廢

葫蘆井 見前逍遙山世傳李八百用劍畫成葫蘆形泉清冷大旱不涸汲水療病多效

義井 在錦水坊味甘冽大旱不涸一在大成陳永德妻錢氏全節處

龍見井 在縣學內明知縣葉應乾訓導郭文煥清復侵地

高安縣志 卷之四 山川 十五

浚此井以便汲有碑記

聖水井 在府治南蜀江觀以許旌陽呪水投此有愈病之效故名從一統志增

醴泉井 在府治舊三皇廟前甘潔如醴從一統志增

梅仙丹井 在二十九都靈寶觀

丁王二仙丹井 在崇元觀

丁仙姑丹井 在調露鄉

七星井 在玉虛觀孫智諒遺跡

白龍井 治東祥符觀昔有白龍出此故名

黃仙丹井 在祥符觀前二里許

許旌陽丹井 丹井有五一在城東南四十里許旌陽煉丹之所

按府志許旌陽煉丹臺在高安縣北四十里與通志所載丹井在東南四十里方向皆有誤治東南四十里屬豐城縣北四十里屬奉新俱無旌陽遺跡惟東北之眞元觀爲許黃煉丹之所有景泰年碑可證

花塢井 治北五十里正德七年華林賊執通判姜榮妾竇

氏至此投井死焉今作亭其上

見閩範傳

按姜氏子孫置有祭田尙存

荷山丹井 在荷山丁王二仙煉丹處舊志丹井五一在城南七十里許丁王二仙煉丹之所

通志

按通志所載卽荷山丹井也旣訛二十里許爲七十里又訛許字丁及王爲三仙今正之

高安縣志

卷之四

山川

十六

湧橋水 在治西北二十里至梅口入蜀江

斷水 治北五里舊傳應使君智頊叱水斷流故名東至笮口橋入蜀江

龍陂水 源發自米山出務農鄉至高郵市入蜀江

鳴水 治北六十里北流合奉新水按華陽實錄云碧澗飛流空谷振響絕頂有石高數仞以物叩之其聲如鼓

華陽水 治西南七十五里有小溪自新喻界

流至華陽北入錦江

冷塘泉 在十六都冷塘盧姓太公腰山腳下

龍口水 治西南六十里發源蛟湖北流至花園渡入江一名談口水

龍溪水 治西南五十五里北流入江

分口水 治西南十二里發源于易俗鄉東入江

鐘口水 治南三十七里發源荷山入錦江梁時人於此獲

古鐘其鐘九乳形制奇古因以名江 按通志作鐘口江

圳泉 治南八十里南城村

藍陂水 在遼山下上有鶯池橋下有石水橋

青石橋水 治南七里北流入江

曲水 治南九十里發源蒙山流出潦澗口東入章江其流

迴環縈折故名

隱泉水 治南三十里釣山之東北泉沸湧出于平田自三

十六陂流出曲水橋入清江界合于贛水

下觀瀑布泉 治西北馬鞍嶺內

高安縣志 卷之四 山川 十七

按馬鞍嶺在治東南此另是一山

陂塘 府志名水利

信義鄉陂塘湖圳八十八

大塘 廣一百五十畝流蔭田二千頃載糧六石八斗 三都藍氏

大泊堤 在東岡腦西抵平湖附近居民修築

喻方堤 在二都明知縣蔡國光率舉人梁維新修康熙甲

午洪水衝決雍正甲辰知縣鄭勛率舉人梁家駒督衆復

修

小泊堤 在高郵市內附近居民修築

新豐第一鄉陂塘一百四十

堰溪 在六都安居有古堰澗瀾溪下分潘婆圳口二溪□

塘有華溪下前保

八字腦陂 在六都華塘

雷公溪 在七都漳溪趙姓屋基下首

腦蓋窟草坪 在雷公溪之東長三里濶里許坪東北南俱

近豐城界

新豐第二鄉陂塘二十七

仁孝南鄉陂塘湖二十七

仁孝北鄉陂塘湖五十二

洪山鄉陂塘湖四十二

崇本鄉陂塘湖四十二

易俗鄉陂塘湖二十九

高安縣志

卷之四

山川

十八

楊溪 在縣治南四十里泉源渾浩溉田數百頃通滙仙橋

直達贛江

袍泉 出泉可蔭一都至新喻水北

宣政鄉陂塘二十七

務農鄉陂塘二十三

歸厚鄉陂塘湖二十七

山下陂 發源易藍港

永壽鄉陂塘湖一十七

來賢鄉陂塘一十八

旌義鄉陂塘圳一十六

豐安鄉陂塘一十二

萬碩鄉陂塘圳一十三

萬碩壩 在四十一都舊蹟歲久傾圮附近居民水旱苦之
自甲午歲城南舉人胡起龍呈請修築捐貲助費親行督
率經營越歲而功始竣潦則障水以免河決旱則蓄水以
資灌溉迄今流蔭捲蔭田共計數百餘頃功旣一勞永逸
而一方水利之賴實自茲始

調露鄉陂塘九

府志作六

大陂

山石陂 幸氏世築流蔭

官陂 先週蔭李口後及丁坊

羅橋陂 發源周山羅姓流蔭

高安縣志

卷之四

山川

十九

小陂 及洪山水圳荆田羅姓修

井陂

渺陂 發源山柿三十都井塘修

火燒陂 發源黎家嶺

張坊官陂 在三橋張坊流蔭

鷄埭陂 在三十七都旌義鄉舊在獅子山下後善士汪廷

樸買田改下流蔭數百畝至今賴之

石陂堰 蔡溪胡姓修

津梁

仁濟橋 在縣治右宋淳祐庚戌郡守鄭侃始建名曰惠政
景定庚申燬于兵僅存石址咸淳壬申知州董楷修復德

祐乙亥知州周應撤北墩以截元軍橋遂斷至元丙子姚文龍悉取其材修府治譙門惟遺數墩于河大德丁未總管蒲世能重修架屋四十五間事聞錫名仁濟命學士趙孟頫記宏治丙辰御史張縉僉事沈清先後經理尙書何喬新有記正德甲戌架木多朽知府鄺璠易以石橋乃固嘉靖二十一年知府許仁卿復修太保吳山有記後歷年久石漸傾圯行人病之

國朝康熙六年郡守葛公全忠召僧一水募化一時院司僚屬及紳士里耆人等捐貲以助得數千金經營越歲而橋乃屹峙今猶如初凡樂助名數皆勒兩旁柱石推官張公

鳳翥記之

各記及詩
俱載菽文

道光甲申胡誨忠兄弟捐貲重修

高安縣志

卷之四

津梁

二十

錦江橋 一名浮橋在府治前舊名永安橋在城隍廟前楊吳乾貞二年始建爲十三舫宋太平興國七年太守駱登增爲十四舫元豐間蘇欒城有詩云虹腰宛轉三百尺鯨背參差十五舫則又增爲十五舫修州門有詩云飛橋日出萬人來則是橋已移州治前矣後又增舟爲二十四咸淳間知州董楷旣復錦江橋乃徙城隍廟前又四年錦江橋廢復徙置府前然橋當南北之衝每水溢岸多崩明正德九年知府鄺璠隄兩岸以石悉新厥舟密欄重板紐以鐵纜視舊益勝

屢次重修

按浮橋往例三年一小修五年一大創板木工貲出自輪年經理督收概委經照致滋胥役折乾之弊鄉民倍

輸之苦康熙八年期值大造知縣張因鑒前弊而立一成之法每畝板木長限一丈濶限七尺各甲均出缺者免之而且親爲驗收自行監督不委二手油麻灰丁捐貲備買計日告成官民兩便永著爲令書此以告後之有事浮橋者今奉

憲革除經理往例難拘則因時制宜板木工貲在良有司別有道以調劑焉耳乾隆十七年郡伯陳公士璠因稽察奸匪設循環二簿委經照二廳每日放船二次盤詰書名簿內并查胥役需索卽行重究商民德之

進龍橋 卽鳳凰橋在縣學前右瞰大江知縣杜英建知府鄺璠重修翼以石欄兩厓疊石爲級道垂永利焉

高安縣志

卷之四

津梁

二十一

龍化橋 在西安門外

紫雲橋 在朝天坊明成化間修

鸚鵡橋 在桂林坊

世濟橋 宋湖州倅雷沂建

三讓橋 在信義坊市河之中道西通蓮花池左通陳家湖

俗呼三橋舊傳二蘇與黃山谷遇此相揖讓故復名三讓

小石橋 在陳家湖

豫章橋 在縣東迎恩門外

五口橋 在縣東三里舊名萬石橋俗呼弩口橋先因水淺就沙編筏以渡順治六年郡守楊公召僧蓮成募化豎柱架板但制欠堅牢康熙五十三年務農萬碩二鄉釀金倣

仁濟橋式立墩捲甕旁立欄杆堅緻廣濶可垂永久咸豐乙卯賊毀同治八年邑人鄒宗孟重修

管子橋

架橋

漾塘橋

新溪橋 在祥符觀之東與水西相隔二十里前志悞載胡可勝建今應改正觀東衆建

龍陂橋道光二十年邑人胡 銘重修

畢母橋俗呼大抄橋

小抄橋

管溪橋

高安縣志

卷之四

津梁

二十二

黃仙橋 旁有彈子堆相傳許眞君放彈落此處

大蟹橋 在四十三都康熙己酉年涂之源長源鄧良材等偕僧自然碧源募建

南石橋 在善慶坊舊名憧憧橋下有石龜

弔橋 在縣北拱辰門外

連錦橋 在縣北三里宋邑宰洪起畏建

朝京橋 俗名斷水橋通米嶺路

青山橋 三十八都水西胡順中建

侯橋 在銅嶺上

昌陂橋 徐會濟修

大湖橋 在縣北十五里咸豐三年卅六都洲上趙焜重修

綠溪橋 在三十七都嘉靖年間鄭廣烈修萬曆癸丑鄭維
京重修雍正戊申鄭洞重修

薛家橋

遵日橋

懶雪橋

通眞橋 在城西碧溪兵毀同治丙寅募修復舊

稱心橋 俗呼廖家橋

五伯港橋 在城西五里

黃溪橋 在城西十五里吳氏衆三修

南爐鄢家橋 在二十九都朱統善修

南爐橋 在二十九都朱達善修

高安縣志

卷之四

津梁

二十三

樟樹橋 在二十四都白田港朱達善修

許港橋 在二十九都朱繼德修

瑞仙橋 在坡山港

朔陂橋 在二十九都朱繼德修

靈溪橋 在龍城院前

太平橋 後改名餘波橋宋元符三年漳州人 修明

萬曆間重修 國朝道光丁酉邑人金煥彩重修咸豐丙
辰毀於兵同治丁卯衆修首事傅廷珍等有記勒石

七里橋 在縣西七里

湧橋 僧明道募修南山何智觀捐用相其成

斜橋 在斜溪港今改名象獅橋

飛仙橋 在二十九都社山朱繼德修

梅墩橋 在蘇溪港

蘇溪有功橋 朱家祚修

崗上橋 在二十九都朱繼德修

大市橋 在三十都社山朱吾楫修

小市橋 在會裡陽坊羅上

文溪橋 在善富陳仲微修

誼橋 在張坊張才臣寄臣修

港口橋

南山橋

蕭坊橋

高安縣志

卷之四

津梁

二十四

洪城橋

陂頭橋

株橋 在朝陽門往規甚隘雨久則溢而漫流正德八年疏

漑通市河作石閘引蜀江水自龍化橋入南石三讓世濟

橋復經此橋下入江萬曆戊午本坊金國正等重建乃增

三墩廣舊橋之半以殺水勢因闢城濠以直水道焉

陽春橋 在南城外遶河處俗呼小株橋

南筇口橋 在水府廟前俗呼老官橋

仁瑞橋 在縣東南劉國仁國瑞修

多稼橋 在縣東南五里

連珠橋 在一都連珠山下

櫟山橋 在一都櫟山之東

聶家橋 亦卽杭橋有廟一在瀚塘

明心橋 在明心院前

來蘇橋 在衫林地

掘塘橋 在一都

下藍橋 在左橋前古名信義

大橋 在一都櫟山之南

鳳凰橋 在筋竹祠前

杭橋 在縣東南十五里爲豐城通衢舊用木架歲久悉傾涉者苦之康熙八年里人胡起龍捐貲倡修易以石砌較原橋稍遷左

高安縣志

卷之四

津梁

二十五

水西橋 在二都庠生梁臣倡修歲久傾圮雍正八年梁仕

冕重造

老君橋 在二都溪上

火燒橋 在瀚塘單邦本修

大成橋 在藍坊

觀下橋 在十華觀左

前港橋 在三都

劉郎陂橋 在三都朱琬朱莖建裔孫朱賢題糾集前房重修

深巷橋 在縣東南十二里

嶺口橋 在清潭嶺

葫蘆橋

松岡橋 二橋俱在六都荷山

菟溪橋

舜大橋 二橋俱去縣四十里

城頭溪橋 左宅建

獨成橋

南湧橋 在高明門外

一笑橋 在高明門外

青石橋 在縣南五里康熙二年募化僧旭元石林重修

株樹下橋 在西南十里

分口橋 在西南十二里王姓建咸豐戊午年王彭二姓重修

高安縣志

卷之四

津梁

二十六

縫口橋 在西南三十八里

藍橋 在西南五十里

石頭街橋 在西南五十七里

子港橋 在西五十里

華陽橋 去府六十五里里人吳吉初召僧一默修

石埠橋 在珠湖西南橋石傾圯道光丙午年傅榮光重

修有記勒石

大橋 在珠湖北

黃山橋 在珠湖南

小杭橋 在塔前舖上

古良橋 在舖下

曲水橋 在舖北

石渡橋 在八都謝氏

含陽橋 在縣南十三里道光三年水漲傾圮里人太學生

袁用賓之母廖氏重建

白鷺橋 在平湖 道光丁未年曾瑞之妻胡氏重修

橫港橋 在縣南二十里

五里橋 在縣南三十里

轉嶺橋 在十一都

來澗橋 在十一都

善慶橋 在十一都

烏鵲橋 在十二都前港倡修

高安縣志 卷之四 津梁 二十七

驄馬橋 在龍城

新猷橋 在十三都

郭城橋 在穩泉下

五美橋 在下十二都敖美諧修

上杭橋 在下十二都敖大中修

金溪橋 在四十五都

黃舍橋 在縣南八十里

石門德橋 在十五都斂溪陳均政修

按舊志有迎仙橋在府前儀門外今廢

碧落橋 在二十九都康熙六十一年朱文端公修 有記見

石橋 在二十九都村前康熙庚子年朱文端公修

青岡橋 在青岡水口青岡祖居衆修

漪閣橋 在大成

雲樹橋 在菱湖

五馬橋 在菱湖

東港橋 在三十都東港水口東港衆修共八座

望錦橋 在三十五都明何會三席三創修 國朝康熙己

巳何姓集衆姓再修乾隆己巳十數家增修勒碑

龍潭橋 在二十七都稠溪聞遐齡修知縣祝景灝有記見
菑文

蓮港橋及墻頭橋 在清溪陳永堯子國學生瑞建

作述橋 在三十七都桂塘中有鮎魚洲南北兩座俱李象

棠建

高安縣志 卷之四 津梁 二十八

烏泥橋 在四十三都監生譚瑒之母吳氏建原任定南訓

導陳肇元有記見菑文

新景橋 在三十七都三十六都界趙德念鄧**璣**藍會李浩

倡修

聚奎橋 在宣政鄉僧智源募建

楓溪橋 在二十七都邑庠謝振捐修

栗山橋 在十二都埠頭庠土楊應舉召僧募建

兩江口閘橋 在十二都前港埠頭楊謝共建

砥柱橋 在三十都新溪胡姓衆建

壁山橋 在三十七都水口鄭熙瑞倡修胡之文爲助

石港橋 在四十一都萬碩墻乾隆十八年重修

塘溪橋 在朝陽門外二里許貢生姜汝泗仝劉遇勝左繼
良倡修

旺公橋 在三十九都山前劉三選三級發清重修

文興橋 在筠北象山嘴三十六都藍志環重修

曹坊橋

琵琶橋

磨下橋

小港橋 以上俱在十九都

永福橋 二十八都楊公墟

城嶺橋 在下十二都城嶺里孫姓衆建

貞固橋 在城北二十七都山北朱世積捐修

高安縣志

卷之四

津梁

二十九

永濟橋 在城北二十八都石神灘

下觀橋 在治南十三都張姓衆建

楊港橋 在五里牌

攀桂橋 在三十都富樓幸姓衆建 以上舊志

永安橋 在鍾秀門外道光甲午邑人金煥彩建

南陽橋 在三十三都白沙陂道光庚戌里人朱祚修咸豐

二年圯同治六年祚孫日華重修

鳴水橋 在三十二都同治丁卯邑朱葵泉修子苕文 有記
勒石

碧溪橋 在鍾秀門外咸豐癸丑邑人金煥彩之妻程氏建

子鎮濤有記勒石

東岡橋 在平湖道光己酉年曾友賢之妻陳氏重修

青水橋 在三十六都同治八年邑人盛塋南重修

蕭家橋 在五都象到嶺口橫路道光十五年汝塘黃元美
建

羅家門橋 在五都南羅門口大水坑同治九年汝塘黃超
倫率子成勳建

渡

艮田渡 去治西十里上卽上高界

巖上渡 去治西十里

龍口渡

灰埠渡

花苑渡 下塘胡吉元捐立義渡

高安縣志

卷之四

津梁

三十

陵和渡

彭家渡 去治二十五里有二處一在新豐鄉此在三十都

宋家渡

瓦子渡

左家渡

雲居渡

來蘇渡 宋蘇轍謫筠州因兄軾過此同訪劉平伯喚渡此
地因作喚渡亭于水旁在金沙臺下今亭廢

青湖渡

菴前渡

灣頭渡

高郵渡 下有青州渡

艤口渡 去治東三十里卽新建界

曲水渡 在治南九十里

郭家渡

姜家渡

含陽渡

分口渡

蘇溪渡

梅口渡

白沙塘

官溪堤

高安縣志

卷之四

津梁

三十一

唐家堤

白沙陂

在治南四十里翠竹庵青雲塔右係賈姓與近地居民同築

在二都東溪梁姓門首

在治南四十里由穩泉發原賈雷二娃修築

在三十三都鄒姓築蔭